



Odjeljenje - Odjel za stručne i
administrativne poslove
Pododjeljenje – Pododjel za podršku
– potporu mjesnim zajednicama,
udruženjima – udrugama građana i
nevladinim organizacijama

БРЧКО ДИСТРИКТ БиХ
ВЛАДА БРЧКО ДИСТРИКТА
Одјелјење - Одјел за стручне и
административне послове

Пододјелјење – Пододјел за
подршку – потпору мјесним
заједницама, удружењима –
удругама грађана и невладиним
организацијама

Трг правде 18, 76100 Брчко Дистрикт Босне и Херцеговине; тел/факс: 049 220 009; тел/факс:049 214 459

Трг правде 18, 76100 Брчко Дистрикт Босне и Херцеговине; тел/фах: 049 220 009; тел/фах: 049 214 459

Na osnovu člana 20. Zakona o javnoj upravi Brčko distrikta BiH („Službeni glasnik Brčko distrikta BiH“ broj: 19/07, 2/08, 43/08, 9/13, 9/18 i 48/16), na osnovu Odluke Skupštine Brčko distrikta BiH o usvajanju Budžeta Brčko distrikta BiH za fiskalnu 2019. godinu („Službeni glasnik Brčko distrikta BiH“ broj: 11/19), na osnovu člana 20. Zakona o izvršenju Budžeta Brčko distrikta BiH za 2019. godinu („Službeni glasnik Brčko distrikta BiH“ broj: 9/19), na osnovu Odluke o utvrđivanju kriterijuma za finansiranje ili sufinansiranje projekata udruženja građana i fondacija Brčko distrikta BiH broj: 02-000011/14 od 03.02.2014.godine, na osnovu Odluke o izmjeni Odluke o utvrđivanju kriterijuma za finansiranje ili sufinansiranje projekata udruženja građana i fondacija Brčko distrikta BiH broj: 02-000011/14 od 17.06.2015.godine, na osnovu Odluke o izmjeni Odluke o utvrđivanju kriterijuma za finansiranje ili sufinansiranje projekata udruženja građana i fondacija Brčko distrikta BiH broj: 02-000011/14 od 29.11.2016. godine i na osnovu Odluke o izmjeni Odluke o utvrđivanju kriterijuma za finansiranje ili sufinansiranje projekata udruženja građana i fondacija Brčko distrikta BiH broj: 02-000011/14 od 23.08.2018. godine, šef Odjeljenja za stručne i administrativne poslove objavljuje:

JAVNI POZIV
ZA PODNOŠENJE PRIJEDLOGA PROJEKATA UDRUŽENJA GRAĐANA I
FONDACIJA BRČKO DISTRIKTA BIH ZA FINANSIRANJE I SUFINANSIRANJE
IZ BUDŽETA BRČKO DISTRIKTA BIH

1.Predmet Javnog poziva su prijedlozi projekata udruženja građana i fondacija Brčko distrikta BiH za realizaciju aktivnosti u sljedećim oblastima:

- a) prevencija maloljetničkog prestupništva, narkomanije i drugih toksikomanija u skladu sa Akcionim planom Vlade Brčko distrikta BiH;
- b) prevencija i borba protiv incidenata motivisanih predrasudama i mržnjom u skladu sa Akcionim planom Vlade Brčko distrikta BiH;
- c) prevencija nasilja nad i među djecom i mladima;
- d) rješavanje problema mladih u Brčko distriktu BiH;
- e) razvoj i unapređenje civilnog društva;
- f) zaštita, promocija i afirmacija ljudskih prava, prava djeteta, prava žena, prava manjina;
- g) širenje kulture mira i nenasilja.

2. Pravo učešća

Pravo učešća imaju udruženja građana koja su registrovana u skladu sa Zakonom o udruženjima i fondacijama Brčko distrikta BiH do 31.decembra 2018. godine, a koja programske aktivnosti predložene projektom obavljaju na području Brčko distrikta BiH.

3. Opšti i eliminatorni uslovi

Izbor projekata vrši se na osnovu opštih i eliminatornih uslova.

Opšti uslovi su:

- a) rješenje o upisu u sudski registar udruženja i fondacija sa identifikacijskim brojem iz registra te spesimenom potpisa;
- b) potpisan i ovjeren Statut kao osnovni programski dokument;
- c) potpisan i ovjeren projekat sa detaljnim opisom projektnih aktivnosti.

Eliminatorni uslovi su:

- a) ako projekat nije dostavljen u naznačenom roku;
- b) ukoliko je dostavljeno više od jednog prijedloga projekta;
- c) ako nedostaju formalni uslovi za kandidovanje projekta, odnosno ako dostavljena dokumentacija nije potpuna, potpisana i ovjerenjena, ako aplikacioni obrazac nije popunjen u potpunosti;
- d) ako nije opravdan utrošak sredstava za odobrene projekte u protekloj godini, ukoliko je aplikant bio korisnik budžetskih sredstava Pododjeljenja za podršku MZ, NVO i UG, nije dostavljen finansijski i narativni izvještaj;
- e) projekti koji se isključivo odnose na jednokratne manifestacije, kao što su konferencije, okrugli stolovi, seminari, proslave godišnjica, izleti i sl.

4. Način prijavljivanja

Obrazac za podnošenje prijedloga projekta se može preuzeti u Pododjeljenju za podršku MZ, NVO i UG, u zgradi Omladinskog centra Brčko distrikta BiH, Trg pravde br.18 i na web stranici Vlade Brčko distrikta BiH (vlada.bdcentral.net). Prijedlozi projekata sa traženom dokumentacijom se dostavljaju putem protokola Vlade Brčko distrikta BiH ili poštom, u zatvorenoj koverti, sa naznakom prijava na Javni poziv za podnošenje prijedloga projekata udruženja građana za finansiranje i sufinansiranje iz budžeta Pododjeljenja za podršku MZ, NVO i UG-NE OTVARATI- OTVARA KOMISIJA

5. Ostale napomene:

Samo prijave koje su u skladu sa Javnim pozivom će biti uzete u razmatranje za dodjelu sredstava. Izbor udruženja koja će realizovati predložene projekte vršiće Komisija imenovana Odlukom šefa Odjeljenja za stručne i administrativne poslove Vlade Brčko distrikta BiH a odabir će biti izvršen na osnovu kriterija iz člana 8. Odluke o utvrđivanju kriterija za finansiranje ili sufinansiranje projekata udruženja građana i fondacija Brčko distrikta BiH. Ukupna vrijednost sredstava koja će biti dodijeljena po ovom Javnom pozivu utvrđena su u Budžetu Brčko distrikta BIH za 2019. godinu i iznose 48.000,00 KM (četrdesetiosam hiljade KM), od čega 24.000,00 KM (dvadesetičetiri hiljada KM) za udruženja mladih a 24.000,00 KM (dvadesetičetiri hiljada KM) za ostala udruženja građana.

Javni poziv ostaje otvoren 15 dana od dana objavljivanja, zaključno sa 14.10.2019.godine.

DOSTAVITI:

1. Sektor za informisanje/ web urednik/;
2. Oglasna tabla Vlade Brčko distrikta BiH;
3. Medijima
4. Evidenciji
5. A/a

**Šef Odjeljenja za stručne i administrativne poslove
Srđan Blažić, dipl. ekonomista**